


壺關縣志

十至十四



DS
793
S82H849
1770
v.3

壺關縣志卷十

唐列女

張延賞夫人苗氏宰相晉卿女延賞累代台鉉爲女擇
婿莫有入其意者夫人有朗鑑特選韋臯以爲必貴
旣就婚臯性度高曠不拘小節延賞悔之至不齒禮
一門婢僕漸見輕侮夫人待之常厚而抱不平臯妻
泣曰韋郎七尺之軀學兼文武豈有沉滯於茲爲尊
卑見誚而虛擲光陰乎臯乃辭去後權隴右軍事德
宗幸奉天西面之功獨居其上帝旋自金吾持節西
川以代延賞詭名韓翔去城三十里有報延賞者曰

代相公韋臯非韓翔也夫人曰是必韋郎延賞笑曰
天下同姓名何限彼韋生應已委棄溝壑安能乘吾
位乎夫人曰韋郎昔雖貧賤氣凌霄漢以不屈媚相
公因而見尤成事立功必此人也次早入州延賞憂
愧曰吾不識人遂潛去臯待夫人過於布素時

元

郭氏兩李氏俱壺關王門婦王爲壺關甲族四世同爨
郭夫宣提領本州稅課時以能稱宣歿郭守節四十
年宣從弟宇從姪英俱早逝宇妻李氏守節五十年
英妻李氏守節四十年胥以壽終一門三節縣尹鄧

朗上其事於中書免徭役加優恤翰林國史院編修
趙天麟爲之志

王天祐妻劉氏將歿囑其婦曰我不幸早逝汝善事我
母訓我子母貽我羞劉曰夫天也言不可負旣寡墜
粥而墨衣布簪荆事姑教子學正楊雲爲撰賢孝碑
在白沙村

明

王觀妻程氏年十九夫亡遺孤昇平甫其持喪三年每
詣夫塋輒悲號幾絕哀動路人父憐之欲奪其志乃
以死誓終身紡績以養舅姑洪武二十九年旌表年

八十餘終

庠生楊昱妻呂氏昱卒呂自縊以殉嘉靖十二年詔旌
閭閻妻張氏弘治七年贊卒張年二十一歲遺子節嘉
靖九年節亦卒又撫其孫至于成立巡按陳劉俱表
其閭

庠生郭恢積學敦行聲名籍甚二十而卒妻張氏守義
三十年內外無間言知縣何承慶請于上官奏聞旌
之

牛相妻路氏太學生乘輅之女也生子未彌月而相卒
路撫遺孤奉舅姑苦節三十餘年而卒子繼先後膺

歲貢知縣徐行申請當道旌之曰母貞子孝

馬漢妻程氏弘治十七年漢卒氏方二十歲守節四十七年嘉靖二十九年巡按陳給扁旌之

平齊妻張氏正德十年齊故氏方二十歲遺一女守節三十餘年嘉靖二十九年巡按陳給扁旌之

平翊妻張氏正德十二年翊卒氏二十一歲遺二子守節三十餘年卒嘉靖二十九年巡按陳給扁旌之

楊準妻李氏家貧年少守志夫歿時二子俱在襁褓紡織撫育長子後列邑庠享年八十二卒萬歷六年知縣提學道俱旌其門

陳設妻萬氏年十九歲而寡子方在抱家貧苦不能自給乃緝繡紉織以爲生子遂成立守節五十六年以壽終

庠生閔鉅妻宋氏

陳志高妻吳氏

郭江妻宋氏庠生陳寔妻常氏

以上俱守志節

牛進寶妻杜氏二十四歲寶故苦節六十一年壽八十

五歲卒萬歷四十一年巡按蘇具奏禮部侍郎孫題

准旌表

姬守揖妻郭氏夫蚤卒矢節終身萬歷四十二年巡按

蘇具奏禮部侍郎孫題准旌表

梁欽妻劉氏十八歲歸梁二十歲夫歿遺男棟尙未週歲劉勵志守節茹苦如飴撫兒成立任六合縣驛丞劉壽七十八歲而終

吳棟妻王氏二十七歲守義教二子從周永興俱入黌宮壽七十八歲終

太學生宋洽妻秦氏二十六歲守節至七十六教子之光食餼于庠撫院蔡給懸扁旌之

張弛妻楊氏三十歲夫歿遺子永祿甫五齡茹荼甘貧教子永祿泊孫勲悉列黌宮不墜張秘書監承家聲

者楊氏之力居多也壽七十終

秦一卿妻李氏二十三歲守志長子仕俊年方四歲次子尙未彌月茹苦甘貧供子就學其膏火束修之費皆白手指中營辦後子俊貢太學候選訓導壽七十九歲終

韓天民妻李氏二十五歲守節至六十五歲有一子之屏妻牛氏生男女各一之屏又故李氏同媳堅心苦節撫養孫男孫女以期不絕韓氏似續

生員張朱妻王氏歸張朱二載夫歿遺子一孀居二十餘載崇禎壬申流賊之變奔東掌村依母氏棲懸崖

土穴中縫其和服結束甚固且懷短刀賊用火攻之
氏遂被執罵賊不屈竟爲刳死

張斗熙妻程氏程宗道之女舉人程于藩之妹崇禎五
年十月流賊焚掠西火鎮其父率氏偕姊適賈名卿
者妹適周基邠者避難於縣南高家垞之土穴中賊
至圍之用火攻烟焰瘴天匿者奔出牽氏袂上馬氏
不從墜馬賊怒殺于河其姊被掠倒投厠死妹跳崖
不死又投縊焉三女同日俱盡

國朝

劉加義妻向氏劉加延妻牛氏姜瓖之變二氏同避于

荒野爲賊游兵所得曳之上馬則投地大罵賊露刃
脅之二氏延頸掠髮夷然就戮賊遂殺之月餘收其
屍形骸不毀面色如生牛倬弔以詩曰露冷風寒泣
暮蛩哀猿啼處弔芳踪雙竟不逐鉛華落縹緲東山
第一峯

皇甫德妻晉氏十八歲值姜瓖之變舉家逃難紅嶺賊
圍之密知不能脫叩拜公姑以死自誓賊扶上馬三
扶而三墜竟不從賊遂殺之

庠生姬屏周妻牛氏年十九歲夫亡守貞歷三十餘年
家最貧備歷艱辛撫子升元入黌宮

吳璉妻宋氏夫亡哀慟幾絕越日投井死

列女

平生泰學昌妻郭氏庠生之母庠生為同仁

氏庠生獻圖獻圖之母王能得妻中氏庠生

張令教養王氏庠生段妻李氏庠生超兄之

上俱守志節列于舊志者

土親正妻馬氏夫以氏年二十三歲家貧如沈

鳳之節又遭內變故受教者有力其志

順人庠生年七十歲卒

年上郡庠生年七十歲卒

第一舉

將之二氏延頸披髮或然就戮遂殺之曰餘賊
屍無骸不毀而色如生牛傳以詩曰露身無衣
暮塗哀哉帝處中乃降策苑不冠錮錮於獄東
皇南德妻晉氏十八歲值姜瓖之變舉家逃匿
聞之密知不能脫叩拜公姑以死自誓賊去上
扶而三陸竟不從賊遂殺之

學生姬屏周姜牛氏年十九歲夫亡守節三十餘年

吳軼妻宋氏夫亡守節三十餘年

壺關縣志卷十一

列女

庠生秦孕昌妻郭氏庠生之幹之母庠生馬問仁妻楊氏庠生獻圖載圖之母王能得妻申氏庠生召之母張令教妻王氏庠生段耀妻李氏庠生超凡之母以上俱守志節列于舊志者

王親臣妻馬氏夫亾氏年二十三歲家貧如洗日咽糟糠堅守苦節又遭內變屢受艱辛不易其志撫孤王顒入庠享年七十歲卒

庠生郭應曾妻曹氏曾故氏年十七守志終身當事旌

之云貞貫金石節軼古今

庠生秦殿掄妻趙氏年十九其夫感暴疾而亾氏誓不改節子承周年未週歲其伯翁之壁憐氏之志撫訓其子後入泮氏以苦節終

王加節妻閻氏節亾氏方二十撫子克明後克明亦少亾遺幼孫省日赴田間剝苦菜剝樹皮以度日守節五十年孫得成立

郭世全妻岳氏年二十三歲夫亾遺孤崑未周歲氏含荼茹苦教子入庠乾隆十一年旌表

丁二則妻趙氏二十六歲夫亾自縊以殉乾隆十三年

旌表

李忠心妻郝氏二十四歲夫亡自縊以殉乾隆二十一年馬令遣典史以羊豚並製文祭之乾隆二十三年旌表

姬繼殷妻王氏二十六歲夫亡遺孤女二歲其夫既葬乃謂弟婦等曰汝輩善事翁姑家人不喻其意乘隙自縊

連克孝妻張氏二十一歲而寡其兄欲其改適氏則素衣簪荆以兄言爲不義而遠之守節四十餘年人無間言

卷十一
郭廷翰妻宋氏十九歲守節姑病常在牀褥氏侍奉不
勑及姑死負土成墳盡哀盡禮親見遺腹子生孫有
司聞而獎之

武帝誥妻張氏二十七歲其夫死於非命朝夕哀號誓
不復生數日後歸省父母回家卽自縊邑令旌之

馬士成妻翟氏二十八歲夫亡俟夫殮畢自縊以殉

雷起璧妻崔氏二十六歲夫亡無子遺薄田二畝破屋
一間事孀姑三十餘年自食糠粃而養姑以滑甘及
姑壽終賣田供舍殮葬時扶柩而擗男女觀者無不

墮淚雍正元年入通志

郭洪坤妻王氏乾隆三十二年夫亡遂投崖求死延數日而殞

秦文啓妻靳氏甫字夫殞不食五日而死

廩生連冲霄妻韓氏二十一歲夫亡奉養孀姑恪修婦

道教子桴食餼於庠雍正四年請旌

郭式妻王氏二十八歲夫亡無子翁姑衰老念氏無依

心欲嫁之氏曰我若改嫁翁姑誰侍因以死自矢嗣

其姪隣里高其節

郭代亨妻蓋氏年二十一歲夫亡二日自縊以殉

張珍妻劉氏年二十二歲夫歿孝事孀姑教子瑞璘以

歲貢任孝義縣訓導諸孫俱列膠庠入成均享年八

十一歲

馮君聘妻李氏年十七而寡守節四十五年迄如一日
王廷顯妻張氏年二十一歲夫卒孝事孀姑守志六十
載終始一節有司扁旌

王金箱妻曹氏少寡苦節享年九十三歲安令旌之
陳廷祐妻牛氏少寡守義教子彥卿遊庠李命扁旌
馬之祿妻羅氏年二十一歲夫歿守志家貧能孝事翁
姑撫育孤子享年七十二歲

劉萬良妻馮氏年二十一歲夫亡子憫尙未周歲孝事
嫠姑子長遊學織紵以助資斧迨其子入府庠村中

議舉其賢行氏止之曰守節婦道之常至孝于舅姑
訓子義方萬分未獲其一衆遂止氏卒鄉里稱之以
爲有古淑媛風

魏子琢妻許氏年二十四歲夫歿於外一慟幾絕娣姒
勸以夫尸未歸遺腹未辨因飲水復甦後果生子奉
舅姑撫孤子備嘗諸艱卒無怨言

王瑾妻張氏年二十一歲夫殞哀毀幾不欲生所親責
以宜撫藐孤乃盡屏向所服飾荆釵裙布足不踰閭
者數十年教子錫璽貢入太學舉者賓孫飛熊開運
俱入邑庠

丁太安妻楊氏年二十一而寡子方彌月家無生計挑野菜拾枯柴以度日父母欲奪其志寧死不可撫其子存既長有勸其爲子謀娶者氏泣然曰吾公姑及伯兄猶在淺土娶婦尚可緩也母子爲人傭作聚錢十餘緡卒營葬三喪云

王可陸妻王氏年二十二歲夫亡無子誓不改醮守節四十餘年繼其族子以承祀貢生王華浙有詩云無兒嫠婦更兼貧不比尋常守義身持定堅心同鐵石生成傲骨是松筠青年歷盡合荼苦白首只如斷髮新信道時窮方見節柏舟詩後有斯人

王孀妻任氏年二十一而寡事姑最孝每聞姑噎咳聲雖午夜必起視撫摩每食必躬奉槃盂以進澣滌必親不假奴隸家人或語以過勞曰吾婦職宜如是況代吾夫子道乎撫子錫琳貢太學亦早世又教其孫啟元培元俱遊庠人以爲節孝之報云

張孝妻陳氏年二十歲孝歿無子氏誓守節以奉舅姑其翁張世富卒於沐氏親往扶櫬歸里營葬備歷艱辛事孀姑最孝謹晝夜織紉以奉滑甘而已常缺食日侍姑側人未嘗聞其叱咤聲鄉里共稱之

姜國忠妻吳氏年二十二歲夫亡家無資業其翁失明

姑又多疾病常臥牀茵氏以績紉營辦奉養維謹撫孤子至於成立黨里咸稱其節孝云

許龔妻杜氏年二十六歲夫卒子岐鳳方五月對曰自誓子稍長暗其母兄云若雖有孤兒實一廢人勸其改適氏曰吾子雖不能語究不得謂吾夫無子也厥志不易後爲子娶婦宋氏甫三年而其子又亾婦宋氏念姑老無依亦矢守義嗣族子姑壽八十三歲婦六十餘歲皆以完節終

楊在田妻杜氏年二十一歲夫遭疾語氏曰我病必不起以老母託汝柰無子何氏痛夫病危未及答而夫

殞乃斷髮指天以誓曰所不終夫之託者有如日家
最貧極力以供甘旨凡漱浣必躬親嗣近族子姑以
壽終喪葬盡禮哀慟之聲聞者隕涕

任加榮妻平氏年十八歸任其夫卽遠賈氏勤織紉以
奉翁姑其翁喜宴客氏百計具酒食問所從來輒謬
對曰家之餘資也姑有女善譖數被撻辱卒無怨言
未幾其夫遇疾性較躁急少失其意卽見凌虐氏如
不經意調護愈篤夫卒氏痛不欲生家旣貧其子又
幼翁姑料不能久留待之少疎氏見翁姑不悅含淚
不敢下引孤嬉戲必俟開顏乃止其子成長又不幸

五喪妻室所遺孫兒女皆氏撫養年雖老紡磚箴管
晝夜不輟蓋一身而兼全四世也

郭成妻李氏少寡守義家最貧或有周以粟者氏正色
拒之居常日惟一鬴甚至斷炊撫子瑜成長卒完其
節

梁之翼妻李氏年二十六歲而寡苦守志行其繼姑遇
之少恩氏奉事維謹卒亦感悟撫訓二子其次子淵
成遊邑庠

郭壘妻畢氏年十八而夫殞氏謂所親曰吾志在必死
但念姑止一子我又無所出我死姑將誰依於是強

爲飲食旣而其姑以氏年少無子且家貧勸之改適
氏泣曰婦之所以隱忍不死者爲姑故耳柰何不知
我心乃謀繼嗣于其家族無昭穆相當者不得已以
其姑之姪孫爲己子姑病且篤囑曰以我累汝我死
汝益無依盍自爲計氏終不聽旣葬其姑服闋爲子
娶婦卒完其節

吳加富妻陳氏二十三歲而寡遺子女各一亦相繼夭
先是與其夫弟加成加盛枋箸乃仍與同居勤苦操
作以佐家計孀居五十年始終不渝鄉里以賢節稱
柄按紀載必覈其實况事關風教茲取邑人士原

呈兼博採輿論必確得其實者乃登焉不徒以影響
語率載慮濫竽也

張新富妻秦氏子達之婦平氏秦振業妻馮氏子學資
之婦王氏平廷選妻陳氏子訓之婦吳氏王國士妻
王氏子存禮之婦陳氏牛瑞妻李氏子克寬之婦平
氏王匡佐妻劉氏子光前之婦郭氏閆永錫妻雷氏
子重之婦吳氏以上俱姑婦守義而嗣徽一門者也
庠生董學詩妻韓氏宋學普妻張氏張浩妻王氏吳玉
妻馬氏牛富妻王氏張昌泰妻姜氏牛俊妻韓氏牛
星科妻陳氏郭永寧妻王氏宋大承妻閆氏石海仁

妻王氏張某妻郭氏庠生恭已之母王璦妻張氏秦
鑑妻李氏牛星耀妻秦氏武帝琨妻李氏武永興妻
宋氏郭景賢妻牛氏武懋尙妻李氏趙啟松妻張氏
梁之仕妻程氏平弘道妻閆氏牛順妻馬氏閆之法
妻宋氏璩友彪妻李氏庠生賜麟之母李林妻宋氏
李如賢妻侯氏牛懋禮妻張氏李漢輔妻趙氏閆瑄
妻張氏其弟琨之婦韓氏閆琬妻裴氏常文茂妻秦
氏平珩妻劉氏庠生其政之母任加財妻王氏庠生
嗣尹之母杜進義妻李氏庠生閆必用妻杜氏申爾
俊妻王氏陳來斌妻程氏庠生雷世龍妻韓氏其弟

世仁之婦平氏王大才妻馬氏庠生陳誥妻秦氏庠
生詰士之母王君佐妻李氏庠生兆熊之母程世豐
妻郭氏閭臣妻萬氏庠生吳恕妻平氏庠生李發元
妻劉氏崔楷妻晉氏閭洪妻關氏庠生慶雲之母李
增廣妻趙氏程鈞妻連氏程珠妻閭氏平鈞臣妻秦
氏平文璇妻關氏閭普妻馬氏王昌妻張氏賈文妻
劉氏其弟海之婦張氏王正綱妻雷氏庠生平謹妻
張氏趙哲妻秦氏庠生國幹之母秦萬敬妻蘇氏任
友才妻萬氏吳天錫妻張氏庠生灌之母王輔全妻
高氏庠生錫旌之母閭寬妻段氏陳所衛妻趙氏陳

廷颺妻張氏其弟廷柱之婦張氏以上俱守志節
柄按以上諸婦查邑人士所呈事實大率相似概爲
冗敘每苦雷同從通志例使見其名氏者胥愾然曰
是皆明從一之義而矢靡他之貞者也白幃青鐙夫
亦可以無遺憾矣

補遺

張萬資之妻杜氏

崔瑞之妻李氏永洪之母貢任楚

程業灝之妻吳氏庠生文采之母

吳橘之妻萬氏吳國寧之妻陳氏崔棟之妻李氏

張羽朝之妻郭氏庠生文俊之母

張聖基之妻王氏 宋台臣之妻劉氏 閻忠之妻張氏

宋好仁之妻張氏肇統之母

壺關縣志卷十二

寓賢

鍾繇少時隨劉勝往抱犢山學書三年比還與曹操邯鄲淳韋誕孫子荆關杞等議用筆法見蔡邕筆法於韋誕座上苦求不與及誕死陰令人盜開其墓以得之故知多力豐筋者聖無力無筋者病一一從其消息而用之由是更妙繇曰用筆者天也流美者地也非凡庸所知臨終探囊以授子會曰吾精思學書學其用筆若與人居畫地廣數步臥畫被穿過表如廁至於忘歸每見萬類皆畫象之

用筆說

祝公道河南人建安中郭援破絳邑捕得邑長賈達囚
於壺關閉著土窖中以車輪蓋上使人固守方將殺
之達從窖中謂守者曰此間無健兒耶而當使義士
死此中乎時公道游壺關與達非故人而適聞其言
憐其守正危阨乃夜盜往引出折械遣去不語名姓
援破達乃知前出已者爲公道後公道坐他事達救
之力不能解爲之改服焉

張從恕東光人父仲素仕元爲長沙通判從恕亦爲元
西寧總管元東歸寓居壺關遂爲壺關人子謙舉茂

林大忠福建莆田縣人康熙己巳年間爲澤潞叅將後
遷九江副將署平陽摠兵遂家壺關子端盛大學生
善醫孫開甲遂爲壺關醫學因世其業焉

之徒從害中謂守者曰此間無健兒耶而當使義士
死此中乎時公道將欲關與達非故人而聞其言
特其守正危殆乃夜盜往引山折械遁去不語名姓
得破走乃即前出已者為公道後公道坐地事達救
之力不能解為之改服焉

善習將開甲發漁壺開科舉因計其業德心亦為之
發此山區僻署平朝縣與發家密關十歲益太學中

林大忠蘇寧莆田縣人與熙五年平間為縣尉余錄之

仙釋

漢

趙瞿病癰垂死有以藥囊授之者服百日果愈後復過視曰此松脂耳瞿鍊服不輟年七十見彩女長二寸遊口臯間一年女長如人在其側嘗聞琴瑟聲壽二百許顏如童後入抱犢山不知所終

晉

紫團真人隱居紫團山修真冲舉其遺詩曰閉定天厨只一呼天罡不動運陰符流精鬱勃歸金鼎鍊出神丹滿玉壺龍眉子引以爲金丹口訣

北周

芊上人修真寶岩寺端居石室猛虎自伏後坐化遺骨
甚香其徒建塔崇奉寺在太行山巔俗名金燈寺

隋

安真禪師住多寶寺隋開皇間賜號紫衣禪師唐宋累
加封號

唐

安公隱居壺關山中素爲土人頂禮及卒山出石棺土
人收葬之卽以安公名其山

樂氏二仙女屯留人其先世陵川商微子之後父山寶

母楊氏感仙光而娠誕有奇德繼母呂氏御二女甚
酷單衣跣足冬使採茹二女性至孝泣血浸土化爲
苦苣其葉有赤斑若血痕然得一筐以歸母益怒移
家於壺關紫團山又令拾麥於外無所得畏母捶楚
仰天號訴倏黃龍下降少者先升須臾黃龍又降長
亦升霄易金縷絳衣鳳冠繡履仙樂響空天香馥路
土人立廟祀之宋崇寧間顯靈邊戍賜諡冲惠冲淑
真人

元

道榮紫團僧了悟能振宗風

慧冲有道行延祐四年居清凉寺

晏北黃村關天慶之子幼卽從清凉寺慧冲爲徒入
定通禪後於鳳凰山建立道場卽今金山寺是也寺
固無水師嘿祝巖甘泉卽湧出又能分身赴會同
日俱至衣履不殊以此名聞京師賜袈裟紫綵玉環
爲宗門師表

明

秦

失名

新興二里人伊兄因不務家業逐之騎牛至壺

關神頭嶺乞丐有夜窺者牛乃虎也後坐化於村西

佛堂至今角殿尙有卧象

寂慧清涼寺僧幼年雲遊寰區名山勝境無處不到崇
禎五年歸錫見寺宇傾頽卽立死關募緣重修明藩
保定王嘉其苦志碎關放出施助百金一新佛像梵
宮慧隨居清涼山嶺二十年不出戶外惟以施藥濟
人爲事每言人禍福輒應一日晨起語徒衆曰予止
四日在人間至期宜環立念佛不可悲涕及至第四
日早沐浴畢盤膝端坐鼻珠垂胸無疾而逝甲申歲
有訪謁者題詩云古刹商飈風颯颯夜涼疎月影微
微尋幽避寂逢支遁欲脫樊籠借指歸

魏文昌壺關人本農夫輟耕憇神祠見梁端有書取視

則風雲變色持歸作地室習之遂盡遁甲覆射之術
能隱形變化嘗有事被逮剪紙爲兔鋤禾者競逐得
脫川有桑掛其冠昌手拔殆盡迄今其地無桑人以
左慈方之或曰文昌後亦尸解去

國朝

立禪俗姓張名加修遷善二里南掌村人幼卽潛心內
典年三十餘於杜公嶺爲僧後至五臺山石穴中間
修有虎守門僧人共異之迎至寺中供養一日忽自
起擊鐘聚衆詢之乃云汝輩速往山中視之衆僧趨
往見一小僧因取薪爲虎所傷其神照若此後遂不

食不語面壁立修三年康熙四十年

駕幸五臺詢其禪悟以筆對因封爲立禪祖師謝

恩後卽仆地肉皆消落惟骨存焉僧衆建塔瘞之塔至今

存

藝術

元

秦邦紀號雲岑子元至元間以善書賜官嘗畫五龍廟

牧鶴畧見四輔杜公數序

王天利壺關人精于陰陽術數爲壺關陰陽教授著三

元正經三元節要行于世子履道宏道與父齊名

古蹟

令狐徵君隱城東山中令狐終卽爲冢焉諸生尊爲師
法陪葬者三百餘家松千樹大皆數十圍高四五十
丈今俗名其山爲令狐墓

上黨郡記

抱犢山在壺關縣上黨東南地高七十丈有石城高十
丈方一里南角有草名玉枝冬生花高五六尺味頗
甘取其葉末服之方寸二三日不饑宜五穀多食物
無惡毒寇賊不至俗云後魏葛榮亂民抱犢入此山

道書福
地記

檀山在縣東北三里唐徐王元禮兼潞州刺史獵於檀

山下逐白鹿至縣東二里許隱於穴中因立白鹿觀
於此

陽護城在縣東二十六里今陽護村慕容永據長子時
築

益陽城在縣東南六十里今城頭村慕容永築以拒慕
容垂址湮

臯落氏故墟上黨記東山在壺關城東南晉申生所伐
今名無辜

潁陽岡縣治後魏嘗置縣址存

羊腸坂漢志此魏志胥云在壺關縣

五馬門北魏志壺關有五馬門

高望堡唐武德四年析上黨縣置壺關縣於此貞觀十七年移治進流川

二仙廟碑在神郊村舊廟在南山麓水侵蝕壞廟居民移于北山麓碑刻頗多其隨廟移者過半大者棄田

中文字尤佳

府志

赤壤川北魏志其地寒而早霜

參園卽南極園在紫團山石間生參似人形一名人銜一名神草大者徑尺小者六寸唐周繇以人蓀遺段成式詩人形上品傳方志我得真形自紫團舊傳有

服參飛仙者本草亦名紫團參爲上今園已墾而用
矣

靜軒縣治廳事東宋縣尉陳留范鉞建康寧四年七月
一日撰記今碑石現存縣署二門牆內

駐雲亭紫團山三十六景之一宋王輔道有詩

王輔道紫團山詩石碣以榻本累僧碎之埋於山麓後
人踪跡掘之止得八石嵌於慈雲寺壁間後止存四
石縣令朱輔移置學宮今又亡其三惟存一石

磨崖碑三十六景之一縣崖上鐫古籀書宋王輔道有

詩在雲蓋寺西崖

照城土名趙城縣東十五里慕容示築以拒慕容垂者
拙庵主縣南紫團鄉洪武初邑人杜敦依山築以自居
因扁斯名有記紀其事

麗澤齋在縣境潞州學正邑人申甫築爲遊息之所杜
敦爲作記

勤政堂在縣治後天順二年知縣楊動建

呂仙筆在靈顯觀

邱墓

周華陽君馮亭墓在壺關城西五里馮衍顯志賦瞰太
行之嵯峨兮觀壺口之崢嶸悼邱墓之蕪穢兮恨昭

穆之不榮章懷注太行山在上黨南壺口山在上黨
東衍之遠祖馮亭爲韓上黨守以上黨降趙趙封亭
三萬戶號華陽君死因葬上黨其墓在今潞州上黨
縣西衍在關中遙相望之卽序所謂通視千里覽見
舊都者也

通志

漢三老令狐茂墓在縣東二十里崇賢村明劉龍有墓
碑前令朱輔及章經重加修築

周亞夫墓在三老墓前

唐苗氏坐左相苗晉卿自爲父撰碑文有鵲巢碑上賊
入上黨焚蕩略盡而苗氏松檟獨無傷

太師苗晉卿墓在龍溪山北

霍處士墓在城南七十里名良河東霍邑人子孫於
此聚族故名霍村

元廉訪馬繩武墓在縣北二里龍溪山下有翁仲碑文
秘書張時髦墓在縣南一里有碑記

王孝婦劉氏墓在縣白沙村王天祐妻

段志元墓在縣南二十里安縣村

明四輔杜敦墓在縣東南林青村

榜眼郭翀墓在縣南栢林村

翰林張鐸墓

知府楊能墓

參政楊奇墓胥在縣西栢林村

郭端孝墓在紫岩山下

國朝御史楊四重墓

同知楊四易墓胥在縣西栢林村

祥異

漢成帝陽朔二年秋關東大水流民入壺關口

舊志無

金太和三年有大鳥集壺關之北山其羽五色爛然赭冠鷄頂尾濶而修狀若魚尾高可逾人九子差小禽鳥萬數從之皆成行列首皆北向自東南來勢如連雲聲若殷雷林木震動留一日而去

元至元十九年蝗禾稼草木俱盡民饑相食

明成化十年雨雹秋無禾

弘治比年豐稔斗粟十錢

正德七年饑

嘉靖七年饑 辛卯有秋 二十九年木稼折枝

癸丑大饑 乙卯年地大震 丙辰丁巳戊午連歲

有秋斗粟二十錢 嘉靖三十二年饑訛言採選童

女民間女十三四以上遍行婚配遠近譁然 三十

七年歲連稔斗粟二十錢 四十三年五月十五日

雨雹如鷄卵 庚申辛酉歲稍稔斗米百錢 甲子

夏冰雹如鷄子 丙寅年斗米百二十錢

隆慶六年歲歲有秋

萬歷十六年歲稔斗米百五十錢八月雹如鷄卵是

冬米價如常

崇禎六年四月五月不雨斗米銀三錢黃山之東坡有白土類如白石脂居民取以爲食時謂黃山麴

十三年六月七月無雨苗不能穗穗亦不實歲大饑冬斗米銀三錢明年春斗米銀七錢民掘草根剥樹皮以食死者不計其數人相食鷄犬豕三物村落幾絕其種十五年六月初四日地震初八日東鄉崇賢一里地方冰雹如盤厚尺許

國朝順治四年雨雹 八年雨雹大如拳 十三年旱饑 十五年雨雹

康熙四年雨雹傷禾勘查免糧有差 七年雨雹

十五年雨雹傷稼 十八年八月十五日大雨連綿
直至九月二十五日方止官舍民房倒塌無數城垣
傾頽過半知縣章經修築

雍正九年黃野齊村民馬之璧妻李氏一產四男

壺關縣志卷十三

藝文

上武帝訟太子寃書

漢令狐茂

臣聞父者猶天母者猶地子猶萬物也故天平地安陰陽和調物乃茂成父慈母愛室家之中子乃孝順陰陽不和則萬物夭傷父子不和則家室喪亡故父不父則子不子君不君則臣不臣雖有粟吾豈得而食諸昔者虞舜孝之至也而不申于瞽瞍孝已被謗伯奇放流骨肉至親父子相夷何者積毀之所生乎由是觀之子無不孝而父有不察今皇太子爲漢嫡嗣承萬世之業體

祖宗之重親則皇帝之宗子也江充布衣之人間閭之
隸臣耳陛下顯而用之銜至尊之命以迫楚皇太子造
飾姦詐群邪錯謬是以親戚之路隔塞而不通太子進
則不得見上退則困于亂臣獨寃結而無告不忍忿怒
之心起而殺充恐懼逋逃子盜父兵以救難自免耳臣
竊以爲無邪心詩曰營營青蠅止于藩愷悌君子無言
讒言讒言罔極交亂四國往者江充讒殺趙太子天下
莫不聞其罪固宜陛下不省察深過太子發盛怒舉大
兵而求之三公自將智者不敢言辨士不敢說臣竊痛
之臣聞子胥盡忠而忘其號比干盡仁而遺其身忠臣

竭誠不顧鈇鉞之誅以陳其愚志在匡君安社稷也詩
云取彼譖人投畀豺虎唯陛下寬心慰意少察所親母
患太子之非亟罷甲兵無令太子久亡臣不勝惓惓出
一日之命待罪建章闕下

文詞雅麗策

唐
苗晉卿

陛下項與三事大夫議於朝以計天下有奇才異行含
光而不揚其輝詔諸侯咸舉之臣實至愚不通大識循
才審行不副高求臣聞論語曰天何言哉四時行焉百
物生焉孝經曰王者則天之明因地之利以理天下是
以其教不肅而成其政不嚴而理所謂天地設位聖人

成能而保大定功勲業蓋時也逮金石斯細步驟不同
時有澆淳教隨繁畧桑扈谷風之刺三歸八佾之嫌人
用僭忒一至於此陛下嗣守丕緒茂昭大德能使百官
承式萬家作乂所謂孕虞育夏甄殷陶周革弊移風自
前代未有也陛下乃賜臣策曰皇極之道未敷謨明之
軌尙闕者豈不以採芻蕘之義誠考試之端不宰其功
俯垂下問實陛下謙德也微臣何足以知之制策曰至
如視聽貌言恒若時若會極歸極作哲作乂一以貫之
何方而可者臣聞劉歆以爲伏羲氏繼天而王受河圖
則而畫之八卦是也禹理洪水天賜洛書法而陳之洪

範是也故河圖洛書相爲經緯八卦九疇相爲表裏聖
人行道各保其真若人有乖方數必徵於錯逆政惟協
雅理必應於調和考之咎徵粲然著矣陛下隨澤以著
恩愼嚴霜以肅威鷹隼未擊爵羅不施草木未零山林
不伐足可使垂景星而降甘露騰休氣而漏醴泉臣以
爲一以貫之其道久矣制策曰禮以飾情情疏則禮畧
樂以通感感至則神和理內爲同修外爲異同異之用
有味其功人俗未融佇明斯要者臣聞六經之道同歸
禮樂之用爲急孔子曰安上理人莫善於禮移風易俗
莫善於樂董仲舒對策曰王者欲有所爲宜求其端於

天天道大者在於陰陽陽之爲德陰之爲刑王者承天
意以從事故務德教而省刑罰陛下修先王之好生存
大易之緩死頃者省囹圄去桎梏此則修省刑罰之謂
也臣聞樂以理內爲同禮以修外爲異同則和親異則
畏敬和親則無怨畏敬則不爭二者並行合爲一體揖
讓而理天下者禮樂之謂也適時之要斯並存焉制策
曰四時五德制自何君五行文始本之誰代昭德武德
莫辨所尊昭容禮容未詳所出悉請以對用釋余疑者
臣以爲斯並漢主之樂載于班氏之書必使究其明徵
考其攷專旣勞更獎何易盡言雖攷畧而陳之尙未臻

其極也臣聞易曰先王以作樂崇德殷薦上帝以配祖
考古者制宗廟太祝迎神於廟門其義也四時武德者
漢文所作以示天下之安和也而武奏於高廟焉五行
舞者本之周武也秦始皇二十五年更爲五行也漢高
祖六年更名曰文始以示不相襲也昭德盛德宣之所
以尊宗廟昭容禮容者出武德文始五行之舞也謹對

太師苗晉卿謚議

獨孤及

太師稟天純懿爲唐股肱兩朝當國惟明惟允論道賦
政送往事居叶恭秉彝動罔違德惠和以懋其事明哲
以保其身昔嘗懸衡九流剖竹四郡刀尺之下無滯用

襦袴之內無貧民洛陽居守東夏輯睦天寶之季二京
爲我皇與西狩億兆左社太師踐危機不易心處橫潰
不忘國奮身拔跡於豺狼之口道不汙而節不奪忠之
大者至德乾元中天下多故皇綱未張肅宗修漢宣故
事用刑名繩下而太師以曹參爲師持清靜守職勵翼
王度將順事典人亦寧一厥猷茂焉能知人能官人慎
選乃僚言刈其楚至有拔羣萃而取公器不五六年比
肩袞職者光映冊府當代榮之漢史稱胡廣與故吏陳
蕃並爲三司太師有焉夫九德咸事寬爲之首百工惟
時哲則能惠宜其享天眉壽爲國元老古者生以行觀

其志沒以謚易其名字之美惡視行之大小後世或三字以表德貞惠文子是也或二字以彰善鄭文終侯留文成侯是也蓋其節大名盛則禮優謚崇太師德冠縉紳位侔周召將加諡謚之制宜以鄭留爲準謹按大戴禮體和居中曰懿文賢有成曰獻稽千載之令典合二名以配德請謚曰懿獻謹議

唐丞相故太保贈太師韓國公苗公墓志銘

李華

永泰元年四月戊子唐舊相太保韓國公薨天子輟朝羣臣出次五月壬午贈太師七月丙子詔使中謁者莅

祭京兆少尹護喪龍旗轎車鹵簿哀導加於一等園塋
封樹碑版垂後盛於當朝葬我韓國公夫人名本於宏
才非此運不揚元勲出於忠烈非死之中登日月九天
之上乾坤閉而復闢鈞軸折而再駕故肅宗於行在見
公曰欲求良弼其在茲乎公諱晉卿字元輔上黨壺關
人祖襲襲贈太子太師父殆庶贈禮部尚書公成童好
學弱冠工文二登甲科三入高等始自郡邑臺省之任
終乎廊廟臺輔之器至如牧四郡使四道在人爲政之
絕跡於公能事之常格故不足敘天寶之末胡羯亂常
公身在陷穽心圖遼廓謁至尊於幕殿議大計於轅門

天子壯之拜爲左相公於時與兵部尚書汾陽郡王經
略大業翊贊中興公撫於內汾陽營於外克二京復九
廟尊先帝返上皇公之功也乾元二年元兇授首陳希
烈等四十八人議在殊死公抗疏上論以四方猶虞罪
當寬宥三司質定其事不行於戲慶緒之誅也不用公
議使有思明之難朝議之減復行公計果令天下大安
仁人之言不可已已上元二年元宗升遐詔公攝政肅
宗違代令公當國時契雲龍於二主功高宇
宙德鍾社稷於一身夫平計之勃安之總有平勃之勲
伊攝之霍立之再當伊霍之任人臣貴極今古罕儔公

晚嬰衰疾屬辭樞務遂得特紆聖眷俯降臣禮赤墀之下杖策來朝宣室之中肩輿入見此則明主上德而屈體忠臣感恩而忘形君臣之開斯爲盛矣無何有詔冊授太保軍國大務仍容訪焉公至和爲心太素爲體以虛舟應物世累不能干其神以公器濟時江海不能闕其慮故軒裳鍾鼎於我如浮雲大位遐年在生爲逆旅享年七十有七歷任二十有四順如也夫人韓國夫人博陵崔氏詩書之門金玉其度先公而殆今則附焉嗣子發丕堅絜垂向溫履望咸等並強學懿文保家繼代忠足以勵行孝足以揚名敘心立銘願昭先烈掌文之

客敢忘大酬其詞曰有唐宗臣爲國元老清明淳粹全
德體道磊落臣節深沉廟謀智能逃難忠則忘軀幽薊
弄兵咸秦振蕩舉族南棄拔身北嚮一見先皇其言甚
壯指麾籌畫爰立作相天地反正蒼生之望伊昔南狩
衣冠下從三司獻議萬乘將同諫書一出天下稱公二
聖登遐萬方是荷聖皇在闇務輟宸坐稱政臨朝非公
不可彼蒼不仁殲我鼎臣天歸說夢嶽降申神嗟峨碑
版笑兀封樹嗚乎相國韓公之墓

河南府法曹參軍盧府君夫人苗氏墓志銘

韓愈

夫人姓苗氏諱某字某上黨人曾大父襲夔贈禮部尙書大父殆庶贈太子太師父如蘭仕至太子司議郎汝州司馬夫人年若干嫁河南法曹盧府君諱貽有文章德行其族世所謂甲乙者先夫人卒夫人生能配其賢歿能守其法男二人於陵渾女三人皆嫁爲士妻貞元十九年四月四日卒於東都敦化里年六十有九其年七月某日祔於法曹府君墓在洛陽龍門山其季女壻昌黎韓愈爲之志

其詞曰

赫赫苗宗族茂位尊或叱于王或貳于藩是生夫人載

穆令聞爰初在家孝友惠純乃及于行克婉德門肅其
爲禮裕其爲仁法曹之終諸子實幼煢煢其哀介介其
守循道不違厥聲彌劭三女有從二男知教閭里嘆息
母婦思效歲時之嘉嫁者來寧累累外孫有携有嬰扶
床坐膝嬉戲謹爭旣壽而康旣備而成不歉于約不矜
于盈伊昔淑哲或圖或書嗟咨夫人孰與爲儔刻銘寘
墓以贊碩休

太原府叅軍苗君墓志銘

韓愈

君諱蕃字陳師其先楚之族大夫亾晉而邑於苗世遂
以苗命氏其後有守上黨者惠于民卒遂家壺關曾大

父延嗣中書舍人大父含液舉進士第官卒河南法曹
父穎楊州錄事叅軍君少喪父受業母夫人舉進士第
佐江西使有勞三年使卒後辟不肯留獨護其喪葬河
南選補太原叅軍假使職獄平貨滋息吏歛手不敢爲
非年四十有二元和二年六月辛巳暴病卒其妻清河
張氏以其年十二月丙寅葬君于洛陽平陰之原男三
人執規執矩必復其季生君卒之三月君同生昆弟姊
凡三人皆先死四室之孤男女凡二十人皆幼遺資無
十金無田無宮以爲歸無族親朋友以爲依也天將以
是安施耶

銘曰

有行以爲本有文以爲華恭以事其職而勤以嗣其家
位卑而無年吁其奈何

靜軒記

宋 范 鉞

熙寧三年十二月來尉於壺關始至之日見其窮山荒
嶂環乎左右視其官居庫汚底滯凡目之所及莫不使
人歔歔旣而翻然曰是豈不足以居耶九夷居之君子
猶不以爲陋况潞距京師纔數百里而斯邑也又在潞
之左是可處也居三月得故材于廳事之東而屋之自
書曰靜軒列以圖繪繚以簡編當其無事時一寫之于

文字筆硯之間顧不可嘉哉而世之能文者皆以詩遺
靜軒然吾之爲是軒故非掇靜之名而欲激于時也以
爲天下之事來也無窮而其應甚煩以我之甚煩對彼
之無窮猶鞭駛馬決積潦疾馳大瀆而不知止者噫亦
惑矣大抵人性無不靜有時而動者物撓之也故吾之
爲靜者將以禦夫動也天下之物吾不能以一已勝之
使外物不足以撓吾心吾能以虛而待之矣若夫巢乎
深山之谷釣于野水之濱或耕之田或築之巖此古之
真靜者吾不得跂而至焉然坐于一軒之中蕭然自放
野鳥容與而上下山雲卷舒而去來倚佳木而長吟引

清風而獨嘯吾之樂如此與夫逍遙于自得之鄉而超出乎塵垢之表者亦庶幾耳本年七月一日記

樂氏二真人封號記

宋 李元儒

大觀三年歲在己丑秋七月禱旱于真澤之祠至誠感通其應如響于是退述二女慕仙之意請于府丐奏仙號以旌嘉應府以事上于漕臺漕臺覈實俾具靈跡乃詢邑民得先後禱感應之狀復于漕臺旋蒙保奏如縣所請既達宸聽卽賜俞旨太常定議禁掖命詞越政和辛卯夏四月丙辰勅封二女真人之號長曰冲惠次日曰冲淑于是縣吏奔走承命涓日祭告罔敢怠豫旣而伏

思國家事神治民之事厥有常典明德恤祀務極褒崇
名山大川百神之祠有功于民咸秩無遺錫以廟貌寵
以爵秩不吝徽稱以答神貺以能相吾君仁民愛物之
治故也恭惟主上紹休聖緒加惠元元哀窮恤隱罔不
惟民之承雖堯舜用心何以加此是以開真人之靈享
從有司之忱辭而加爵命焉縣令之任最爲近民職在
承宣孰敢不祇若天子之休命謹按二真人本樂氏子
圖經所載豐碑所書第云微子之後皆畧而不詳屢加
博詢莫究其始比干祠之東南幽谷間曰櫻桃掌得真
人父母之墓其碣乃乾寧甲寅歲所作是時真人之親

喪久矣真人降神于巫命改此兆符驗之應其事有五
雖紀父母諱氏而不及其他至于真人仙去之由亦莫
得聞乃喟然嘆曰真人感應之迹如此當時紀事之人
不遇作者使後世無所考焉可太息者也姑述真人顯
應昭著乎佑一方與今主上欽修祀典惻怛爲民之意
而書于石紀實傳信庶無愧辭政和元年六月初一日
縣令通仕郎濟源李元儒謹撰

贈朝列大夫同僉太常禮儀院事騎都尉追封扶
風郡伯馬氏之先德碑銘
河東張起巖

泰定二年夏五月余拜監察御史時馬君象先爲同官

比達京師象先僉中書事明年余爲員外郎爲郎中與
象先同在右司情好最洽無間也爾後余以憂去聞象
先持憲江浙隔濶三年矣冬忽貽書曰繩武啣哀茹痛
奉先妣太君之柩自京師走葬先塋附於先人郡伯之
墓亦旣襄事自惟早承家訓始學暨仕以及今茲推恩
所天獲霑渥命者再欲立石以表塋域敢因同僚之私
屬筆於子涕泣再拜以請余覽其書知太君之喪悵弗
克躬奠也其於銘敘安敢以淺陋辭謹按馬氏爲上黨
壺關人上世習吏文代爲縣史高祖諱源字仲淵精於
律義公操文移一出其手郡縣視以爲式能以理論解

詔者縣賴以治高祖妣董氏曾祖諱銳字世用由其勇
銳仕昭義任帥府爲元帥左監軍因椽其府辟充知事
以勞再遷帥府經歷曾祖妣楊氏先卒繼杜氏次楊氏
王氏九子琮琬珪杜出也瑗瑛瑜楊出也玘瑾璋王出
也杜氏二女長適管軍千戶楊慶次適都監王政祖諱
琬字仲玉其第二子也夙以直諒著聞由平陽府吏選
掾甘肅行省歷許州沁州吏目卒年七十有四祖妣魏
氏躬勤儉端慤家人則之考諱維韓字安世讀書謹行
不樂仕進爲鄉里敬服至大二年十月五日以疾終於
家享年六十累贈朝列大夫同僉太常禮儀院事騎都

尉追封扶風郡伯妣王氏前卒追封扶風郡君近故妣
王氏淑懿慈惠累封扶風郡太君以建歷二年十一月
五日卒杭州官所享年八表二子長繩武次懋祖字克
中仕太常郊祀署都監二女長適李師貞次適杜稷署
都監司澤民懋祖娶張氏一女適王氏懋祖之卒張氏
嫠居守節宗戚賢之馬氏先世葬壺關縣北之龍溪山
自祖吏目府君而下葬潞州城北是爲今塋繩武象先
其字也甫成童勤學自立挈家童來京國躬淡薄勤苦
晝從事治府台事日昃歸讀聖賢書至夜分乃寢雞鳴
起盥節衣冠危坐燈下覆所誦書日以爲常成廟時有

吉入充宿衛至大二年授左衛率府照磨兼管勾以職
官掾刑部除佐轉運司幕府選爲西台令史轉掾內台
遂掾都省西曹調江摧茶運司經歷擢充戶部主事歷
刑部改承事郎中書省檢校官俄拜監察御史加承德
郎陞奉直大夫中書右司都事進奉議大夫刑部郎中
未期月以奉政大夫同僉通政院事進中順大夫江南
浙江道肅政廉訪副使召爲宗正府郎中丁內艱不赴
娶趙氏王氏前卒追封扶風郡君王氏二女長適字朮
魯氏次適楊氏再娶李氏封扶風郡君一子循昌一女
魏童象先通敏而明辨其在掾省也等其囚之輕重詳

敷陳之不置死者十有餘人皆得末減愬訟之得直者
不預也在江西除湖山無名茶課歲爲鈔五千貫弊革
而事治者可知也迨入左戶部所司集贖不啻萬餘緡
爲餽假詞拒之至宵遯以去所自牧者可推也爲御史
彈擊權要糾言時事無有避忌僉書通政時奉旨南京
整頓驛置翕合物情使還上嘉其能賜金織幣衣一在
浙憲日彈劾詰治不畏權勢審讞詳密雪其非辜研究
誣枉而舞文撓法者竟不以巧脫有罪其材所施可驗
也在友道情義尤篤死無所歸率錢賈棺營菽以殯雖
盛暑躬臨其旁其誠於它事可信也象先諱余銘先世

之科因舉象先之善以附所以昭其考妣平昔教之之
有素也太常先歿不及見其子之大有成太君康寧壽
考則既受其榮養也存歿固有間矣而並受封爵以享
其報世德有徵也計象先方嚮柄恩寵有綸綍加封豐
碑載刻將不一再而足也然則余又當泚筆以俟銘曰
馬服之似以封爲氏後封扶風世望聿崇歷漢暨唐代
爲華胄奕奕清門典則爲舊世家壺關器韞弗施官規
恪守蔚爲吏師歷世相承以文無害監軍佐藩益昌以
大或掾以仕或隱以居出處裕如綽然有餘慶鍾偉人
先志能繼中外踐敷志節道勵綸命載錫封爵煒煌孝

以忠致於前有光隆隆上黨天下之脊鬱鬱佳城有安
其宅窮石琢文閱世永存以顯其親以昭其後昆

重修玉皇七佛廟記

韓仲元

直壺關縣治之南二十五里所有聚落曰沙窟其西土
山曰古聖面炎帝之祠背紫微之煙翠屏處其右諸峯
環合原野旣平每憑高寓目勝概可盡是誠一方秀絕
之地兵荒而後本村都統牛成之甥路仲平小字福童
澤州解庄人也忘形落魄如爲神所憑依者曰如其處
鑿地運土而不以爲勞歲餘得巨石高約一丈五尺廣
潤如之其下石室二所東西相背左玉皇右七佛石像

儼然如是飾以金碧外則楹以簷檻九鄉民之所請者
雨暘疾疫無不如願神異旣著香火踵來至於隣邑及
他郡仰其威靈蒙其利澤者皆置行祠而奉事焉澤州
高平縣前長官段某次男緒先作功德主於通義村立
廟有以見神之庇民者廣爰有本縣前縣令王公諱全
鳩工伐木營建小殿於其側又別爲屋數間俾主廟者
居之國朝至元五年洛州肥鄉縣郅公彥明來尹是邑
適以此歲荐罹蝗旱常於祠下禱請致膏雨應期蝗不
爲災深思所以酬神惠者於石室之外上棟下宇以擁
覆之又視其故地陬隘無以重神明之威於東百舉武

卜得爽塏之地經營基址肇立新廟爲歲時致祭之所
功未及完而公移莅武安迨至元十六年己卯以承事
郎同知潞州事且以前功未竟爲歉又與敦武校尉壺
關尹牛天麟有平生之舊遂併心協慮謀於衆而營葺
之人樂爲之用以貲以力未期年而厥功告成輪焉奐
焉壯麗於昔日矣又設玉皇七佛之像於其中巍然尊
大極天人之相不惟新一方之觀望抑亦使祈禳報本
者有所依附則數君子之敬以事神義以使民又可見
矣廟主元妙真等謁余曰自路仲平得石像以來五十
餘年於茲矣初皆一質之勤終致有成之效言念此事

上則官長盡規畫之勞下則鄉社之人多所借力將刻之於石以示後人可乎余以鄉里之故不獲終辭且爲直書其事云

新塑文廟十哲記

元王天祐

皇朝鼓破竹之威盪平誅鋤稟氣食毛罔不臣妾混文軌壹統類然未至于消烽灌燧而終綏之事未嘗不留意焉是以風動寰宇自京師而下郡縣長吏承宣之暇莫不以增修文廟學舍爲先務豈天意未喪斯文而爲之兆邪是未可知也壺關廟學兵紛後焚毀殆盡惟正殿巍然獨存春秋釋奠行禮薤山布塊而已天運循環

無往不復一旦傑動崇基巍巍峻峙高門修廡奕奕有嚴泊講堂齋舍無非劫建宏敞壯嚴甲於他縣始於縣尹鄧公彥明潤色於蒲城張侯子成更二公之手僅能完備甚矣土木之興作非易也迨至元己卯縣尹牛公諱天麟自寧津移莅是邑謁廟之曰祀香畢徘徊周覽久之慨然嘆曰廊賢諸儒彩繪旣畢顏孟十哲反可闕焉何時夫先後緩急之次敘如此越明年春縣務清簡俟重修公署畢暨達魯花赤換只得簿尉郭璋詢謀僉同遂募工創修補塑十二像所費不給命本邑師儒叶贊之衣冠環侍嚴然一新使裁冠博帶入乎門者曠然

改視易聽畢茲能事顧不遑歟噫夫子之道地緯天經
民彝人紀自微言絕響一紛于諸子再坑于孤秦異端
並興塗生民之耳目迷惑沒溺反覆沉痾不可救藥至
于衣儒之服讀儒之書汨于功利反隨而波靡者有之
此道學所以不明于世也士乎士乎固當培植義理涵
養心術苟無講明履踐之實不知由格物致知馴致乎
正心修身徇人欲而忘天理者非惟得罪于聖人之門
抑亦負賢侯獎崇吾道之意耳可勝嘆哉一日與史李
思溫焦德等來謁曰我輩歷事官長非一未有若公之
處事精敏明允篤誠者不爲則已爲則必成罕見其比

聖陽集卷之三
三
懇求爲記僕以猥承青顧雖辭醜義陋不容以不敏拒
姑據實而書其本末因以私自淑者至元十八年冬十
月初吉上黨進士王天祐謹記

增修宣聖廟記

元張時髦

於戲道之大原出于天非聖賢無以傳故當元精鍾會
之機天必生其人以爲是道寄使人心傳心授以開天
常而立人紀也羲軒云邈儒先君子論道統相傳之次
序斷自堯舜禹湯文武周公至於孔子而後學者傳焉
維時見知而得其宗者莫顏子曾子若也顏子卒其道
無傳曾子以其傳授諸聖孫子思而道之精微益以著

後芻孟子出擴充之而愈大其承夫自堯舜至孔子率
五百歲而聖人生自孔子而至孟子百餘歲間聖四賢
繼作世有先後道之在人心者亘古今猶一日也故牖
我蒸黎以迪夫民彝物則俾不淪胥於禽獸者其誰之
力歟傳曰盛德百世記曰有功於民則祀之吾夫子德
不遜於禹湯文武周公其功反有賢於堯舜故自魏晉
以降由京師而郡縣崇廣廟貌而通得祀者惟孔子焉
則其祀事往聖無以侔其大也稽諸禮釋奠先聖先師
未始有廟也廟之設肇於漢元加孔子先聖顏子先師
始定於開元前宋復躋孟子與顏子並雖百餘年莫之

懇求爲記僕以猥承青顧雖辭醜義陋不容以不敏拒
姑據實而書其本末因以私自淑者至元十八年冬十
月初吉上黨進士王天祐謹記

增修宣聖廟記

元張時髦

於戲道之大原出于天非聖賢無以傳故當元精鍾會
之機天必生其人以爲是道寄使人心傳心授以開天
常而立人紀也羲軒云邈儒先君子論道統相傳之次
序斷自堯舜禹湯文武周公至於孔子而後學者傳焉
維時見知而得其宗者莫顏子曾子若也顏子卒其道
無專曾子以其傳受諸聖孫子思而道之精微益以著

後劉孟子出擴充之而愈大其承夫自堯舜至孔子率
五百歲而聖人生自孔子而至孟子百餘歲間聖四賢
繼作世有先後道之在人心者亘古今猶一日也故牖
我蒸黎以迪夫民彝物則俾不淪胥於禽獸者其誰之
力歟傳曰盛德百世記曰有功於民則祀之吾夫子德
不遜於禹湯文武周公其功反有賢於堯舜故自魏晉
以降由京師而郡縣崇廣廟貌而通得祀者惟孔子焉
則其祀事往聖無以侔其大也稽諸禮釋奠先聖先師
未始有廟也廟之設肇於漢元加孔子先聖顏子先師
始定於開元前宋復躋孟子與顏子並雖百餘年莫之

或改我元首尊孔子列聖崇祀加謚視昔爲備然時屬
造昧未遑稽古中原廟祀猶古也夫顏子學於孔子孟
子學於聖孫子思弟子與師侍坐語道者禮固有之比
肩並南面可乎且由孟子而視子思則師也其視曾子
則又師之師也弟子端居乎上師降居於下愚知二子
必蹙然於冥冥中不能安其靈於一堂之上矣設茲學
廟固將以明人倫今茲禮法所從以寓而逆置錯陳若
是又奚以訓天下後世乎仁廟當陽武弛文張亟於繼
述舉厥未修之典時則有若一二儒臣相與恢宏化本
講求朝祀左享立次乃以專道爲尊治定先郊斥郭四

國公列位配侑東坐西向實延祐三年著令也前政乃
曠久不舉今澤之張德山簿陞令旣五稔於斯矣祇愼
所職恒以丕闡教基爲政務先雖儲需叢沓不暇給其
於文教未嘗不留心焉今年春將釐正其位粵瞻廟貌
迫窄慨然有志於增修顧材用是闕爰暨監縣忽仙判
簿仲賢耿致道力協謀一爲士民倡邑人競勸捐資以
相傭工僦役其營構則締結故廟宏敞嚴邃丹雘漆髹
於粲一時始稱其爲素王之居也昉事於三月畢工於
七月越八日上澣丁巳前一日奉安聖師於新宮儼然
南面獨尊復命改爲曾師像偕顏孟次列諸左師弟祖

孫奠厥攸居秩然有序乃祇會邑之良民師儒僚吏以
修祀事籩豆旣嘉牲牷旣腍凡入而預祭者簪佩煒煌
瞻仰新廟聖像森列如對如臨禮行用幣罔不致虔歷
代曠典昭昭一時僉曰厥猷懋哉一舉而衆善集修廢
墜尊國典也尊聖師崇明祀也尙文教敦化基也有此
三善盍紀諸前文舉掾高元善率衆于予文勒諸石予
世家是邑策名春官嘗爲其邑大夫義不容諉遂擴其
實以爲記

儀石碑陰記

張時髦

聖明更化丕闢台基以次天子民爲首務方夏郊禘

諸循良吏俾司牧其民洪武紀元之冬十二月乙丑旣
望二日丞若簿聿來爲邑時兵燹之餘民生寡遂乃能
志同謀協收合離散披荆棘立官府祇愼所職體聖心
圖治以爲心歲再期神人叶和民用小康佳政裕如也
廳事前有亭一楹石四尺許蓋昔之所謂儀石云今年
秋九月幾望乃摘取克先哲王訓迪百官之粹語泐諸
石以樹厥中扁曰警心於戲二公以智師人於前王遺
謨固已識之精而慮之熟矣然猶乃爾者蓋欲朝夕於
斯日接心警不致或忘以副我皇上欽天子民之美意
洎夫妙選循良之嘉惠偉哉其宅心切而要也由茲以

往小而發號施令大而折獄致刑克念克敬服膺勿失
豈徒是邑之所嘉賴實朝廷之所深望也後之繼理者
尚監茲哉克邁乃迹鄰政聞風而興起者一是率由俾
茲舉也振今垂後雖千百載猶一日也彼疆爾界猶一
邑也先政後政猶一心也若然則邦家之慶生民福澤
庸有既乎

諭山西潞州壺關縣儒士杜敷

明洪武十三年

昔之馭宇內者無倖位無遺賢致時和而道泰蓋由善
備耳聰目明之道所以士人者樂從其遊輔之以德間
有非哲者處于民上則幸位遺賢亦萌矣今朕才疎德

聖道良宗是致賢隱善匿民未康世未泰今爾博學君子齒有年矣符到若精力有餘則策杖來朝果可作爲加以顯爵與朕同遊故勅諭

諭四輔官杜敷等制

昔有莘之耕者爲政社稷永安傳巖之野者在朝君仁民康斯二賢疊出成殷商致君六百年之大業是賢者雖處同出異其忠君濟民之道一然朕政未施諸近臣而求士召爾等來朝命爲四輔之官兼太子賓客位列公卿都府之次必欲均調四時德合天人卿等慎之同安盛世故茲勅諭

杜祐司春季三月皆中旬十日

龔敦司春季三月皆下旬十日

夏三月

杜敦司夏季三月皆上旬十日

趙民望司夏季三月皆中旬十日

吳源司夏季三月皆下旬十日

重修神農廟記

杜敦

國家追祀典示報功也所在建廟歲享示威德也洪武三年庚戌六月詔新天下名山大川暨羣神之號辛亥命所司凡聖帝賢王春秋祭祀載於典祭以時仰惟炎帝神農氏之朝在在當祭奈朝建荒僻未獲追崇考諸

廟址去城東南五十里許里曰安化二里山水環抱神儀靈嚴歲久罔知建始世傳帝嘗百草經此里人德之建廟歲祭時洪武癸丑鄉耆向明輩議於衆曰鴻荒之世三皇紀錄五帝方興逮我炎帝以火德王天下民茹草木未知粒食帝則樹以五穀教以稼穡農事興矣民有疾病未知藥石帝則歷嘗百草遂作方書醫道立矣農事興而民足食醫道立而民生壽澤及當時恩垂後世其功德豈淺鮮也耶吾輩坐視廟宇傾頽垣墉淪沒神將安依敬將安施可乎前人何感德而創之於前後人何背德而棄之於後茲惟歲時頗豐貧者輸力富者

輸財俾殿宇垣墉一舉而新感德之報亦可少盡也衆
悉從之樂事赴工戒期不爽正殿五楹兩廡各三楹華
以金飾繚以墻垣次第而成遂請予記以垂悠久予曰
追崇祀典國家之公也建廟歲享里人之私也公祀私
享雖異報功感德則一非私創淫祠以惑世誣民者也
乃以其始末錄之爲記

壺關縣新築南池記

杜 敷

壺關踞太行顛地高亢土峭剛獨闕井泉利民會有力
者掘井深九仞始及泉雖水脉津津汲挹曾弗滿瓶或
乃漬雪鑿冰給旦夕用其民尙有飢渴之害共武丙辰

九月三山郭公承是縣興利除害政教以行憂民飢渴
不啻由已越明年丁巳春三月乃會羣吏屬耆衆而告
曰縣之治南關故地爾衆向集雨潦第以澣衣飲畜今
洿壤淤塞棄同無用我將卽農隙借民力是鑿是浚雨
自西郊輪流泓澄唯供飲食可乎衆乃舉手加額曰何
民生之幸於是上於州司而允其請乃十日召集近縣
郭民舂鍤齊興不旬日而池成其濬則護以木柵而防
崩嚙之患其岸則繚以垣墉而限汙穢之雜坤隅爲閘
兩壁翼張而環板橫施俟大雨流行則起之以石硖注
瀉而入水艮隅爲門兩楹山峙而肩鐫監設令衆人汲

挹則開之由石級上上而出水廣則呀焉漥焉廓其有
容殆如天造地設深則瀆焉滉焉淵其不測宛若陰闢
陽闢於以免往復遠汲之勞於以慰飢渴燥吻之思衆
請其名則曰惠澤蓋取語云因民所利惠而不費之謂
於戲旨哉嘗稽易大象澤無水則曰困澤有水則曰節
夫澤水有無其卦則爲困爲節猶地之廢興其水則爲
潔爲汚今池轉汚爲潔猶卦轉困爲節旣變通以盡利
復推行以爲通乃因天之澤爲地之澤以地之澤爲民
之澤公可謂能體易以利民者矣夫古之爲國者唯水
事爲重故障大澤者勤其官而受封公由是將爲州爲

府而登庸於朝澤加天下其淵深其流長而或可以涯
涘哉縣之耆衆某輩請文刻石而紀績以示永久焉公
名柏字永齡由進士擢濠陽簿今爲壺關丞

麗澤齋記

杜 穀

麗澤齋者吾友申氏維嶽顏其遊息之所也夫自髫年
力學強識同輩鮮或之先暨冠擔簦負笈西走秦雍得
師友淵源後以魁易舉於鄉茲主教潞洋惓惓以名齋
意勵諸生其陂以成已波以及人可謂深探吾夫子贊
易之旨矣辱屬爲記予弗獲以淺陋辭乃謂曰聖人之
道畫卦以示聖人之蘊因卦以發象之所示者深言之

所傳者淺固也先天下卦圖兌位東南其象爲澤以二陽實其下一陰闕其上所謂山澤通氣是已後天卦圖兌位正西其德爲說以一陰見於二陽之上所謂說萬物者莫說乎澤是已然則先天象兌爲地之澤其渟渟而弗流也後天德兌爲天之澤其溥潤而弗間也孔子贊易於兌大象曰麗澤兌君子以朋友講習所以明乎伏羲之易兩澤相麗交相滋互相既淵淵其淵浩浩其天旣未易知其涯涘又孰克泛觀其瀾哉唯君子法之同類以相會同道以相資講之習之所以濬性命道德之原窮禮樂文章之委有所不容已焉且明則兩月以

相依友則兩又以相附取中卦義也講曰說論取口象也習曰重習亦重卦義也觀兌卦交相重之畫明麗澤交相滋之象爲君子交相益之學不曰朋友講習謂之何哉噫每有良朋詩人嘆之獨學無友君子戒之世固有介然孤立於窮壤間崖岸以爲高潢潦以爲深與世浮沉而甘於離羣索居自足泛泛之淺見匪求渾渾之深識滔滔者天下皆是也亦有同堂而居共席而處握手相誓有如斯水似可尙矣然同流合污而漸摩之義弗聞涉難行險而陷溺之患立至是皆於講習之功無與也嗚呼朋友五倫之一自天子至於庶人無不相須

空齋集卷一
三
以成者盍亦觀夫麗澤之象義哉若維嶽兌以說諸心
澤以澡諸心必伊洛是汾洙泗是邇而涵泳道涯濡沐
時雨其於朋友講習爲有徵也韓昌黎有云回狂瀾於
旣倒障百川而東之予將借其言以稱之則是齋爲非
虛器

壺關縣志卷十四

藝文

拙庵看山圖序

上黨李維馨

山水佳麗武夷爲最次則太行東南壺關陵川之間也
壺關縣東南一里曰林青卽致道別業聚廬而託處者
數世矣鄉曰紫團乃太行絕頂若武夷之幔亭峯也世
傳神仙所宅山曰紫團山洞曰紫團洞仙曰紫團師洞
一名曰翠微洞中有潭曰白龍泓澄渟滙其遠近淺深
皆不可測盛夏雷雲出於其中舊志云樂氏二女微子
之後採藥於山中常栖於洞服食人參得道仙去宋政

和間勅賜冲惠冲淑真人廟額曰真澤其他殊名異迹
不可勝紀東迤百里而近百丈原康節故居稍南孫登
長嘯之所少北則隆慮也峯石峙靈草木秀潤翠松蒼
檜凌雲千丈修竹茂林與山無窮葱蒨醲郁撥拂雲霞
蔽虧日月名狀罔極羣山竦立芒角峭拔森若劒戟風
清雨霽乘輿登覽使人神移目眩應接不暇如瀑布水
簾垂虹噴日天巧接出五嶽三塗似難伯仲但人迹罕
到未嘗表麗其勝景也大抵一溪一壑一盤一曲丹崖
聖壁疊嶂巔峰上接霄漢下瞰烟靄試一臨之毛骨聳
豎雖洞天神府無以加焉致道每憩於茲時令童僕挈

楹提壺或吟咏雲根或獨酌松下因而誅茅結屋扁曰拙庵於是乎奇崑絕巘環列於軒戶之外几席之上仍命工肖形蠟屐幅巾野服藜杖自名曰拙庵看山圖諗予爲文大凡地有勝境得人而後發人有心匠得物而後開境心相遇固有時耶襄陽峴山蓋諸山之小者而其狀著於荊州豈非羊叔子杜元凱相繼於此以成其勝哉至於流風餘韻藹然被於江漢之間是茲山待其人而後著紫團山有待於致道以彰顯也致道博學多聞謙和儒雅宵次洒落襟懷夷敞不爲崖岸嶄絕之行近功小利未易以動深明於易其吉凶消長進退存亡

之理自有繩尺嘗爲郡直學講明傳授他人莫及一領鄉薦以投牒自媒爲恥後不復出門人登第者恒有本末是時聞外得專封拜擢爲陝西儒學提舉亦弗屑就古所謂爵祿慶嘗有不可致之人今復見矣自是以來年高而德邵學富而力行教授隣里丁寧懇至將以博其業也雖嘗觴咏於泉石間但遣懷舒興未嘗耽樂放蕩如晉人無檢束也好樂於斯者固以山之安重堅實與已志同安重堅實其道光明予於致道見之矣

拙庵記

阜城張文振

壺翽杜敦氏儒林之師表也以拙庵別名字而爲號一

曰過子請爲記予謂致道不風雲月露山川花木是取而惟拙庵是取不高堂大厦上棟下宇是居而惟庵是居可以覘其志矣夫庵草園也且以拙言之拙巧之反也而乃自目之於予致道豈暖姝墨屎拙於時者乎呬嚶嚶嚶拙於言者乎抑椎魯木強拙於文者乎觀其方矩圓規仰高俯下隨時之宜循循雅雅謂致道之拙於時不可也博古通今偉談清辨瀉江河之滔滔吐雲霞之變變謂致道之拙於言亦不可也揮毫對客視人無前絺章繪句累牘連篇謂致道之拙於文尤不可也非拙謂拙意其何如致道曰吁子之破吾拙則然矣抑不

不知吾今日之所見也昔之時謂吾爲拙則忿然切齒
謂吾爲巧則欣然而喜今之時謂吾爲拙則悅其知已
謂吾爲巧則走而掩耳豈不聞復命歸根乃知物理霜
降水涸始見涯涘與其巧而勞吾心孰若拙而頤吾神
與其巧而奔走乎風塵孰若拙而保全吾天真千言千
中不如一默刻心鏤肺不如無識器宇軒昂不如退藏
知識聰明不如坐忘吾欲用吾拙存吾道以養吾晚節
子勿巧爲之說以破吾之拙也致道辭去庵中獨坐矮
榻風清虛簷月墮

巧視拙若愚常情也予獨爲不然夫才辨知慧灼無不知性之明也吉內悔吝皆由順正所養然也君子知其性故養以正而吉小人不知其性故養以邪而凶理之常也所養旣正而反是者時之變也處乎時之變而不失乎理之常惟南坡杜先生爲然先生性婉而不阿德直而不徑文正而不詭言辨而不佞行年六十爵祿未霑於身志氣未伸於時落落人世不知所以因額其所居曰拙是果誠然乎曰非也鷄鳴而起待漏東華珪璋滿前軒冕是時無與而古街辨矜誇子於是時能耶否也奔走門墻爭植桃李脅肩諂笑恬無愧恥車前拜塵

花村學吹簫一箇半級驕人白日子於是時能耶否也逢
迎辨給甘口如蜜鄉稱愿人取媚權勢乘肥嘑腴榮耀
閭里子於是時能耶否也文章藻麗詞句浮華雕蟲篆
刻捕織龍蛇務炙人口專事淫哇子於是時能耶否也
富盛貴極恩亡寵衰盈滿不戒擁爲禍胎牽犬上蔡聞
鶴華亭躊躇徘徊奈何得存於是之時巧拙智愚始得
而分故抱甕澆畦不欲爲機餅士止歌利方孔多彼得
此失巧拙云何然則子當抱子之拙以全其生甘貧守
分以樂天命吉凶順正養而莫害優游乎義理之場雖
遞世不見知而不悔何於是拙多乎哉先生曰然子言

志也讀書以爲拙庵記予於是書庵主壺關縣杜敷氏
致道記者上黨張伯安氏子壽嘗次洪武癸丑春三月
也

楊參政墓誌

王華

公字秀夫別號寒泉父能由鄉進士任東昌知府母宜
人牛氏公穎敏絕人十歲能文有老成語長老稱爲奇
童弱冠名起諸生間成化庚子中鄉試高第主司錄以
爲式明年辛丑聯捷進士授戶部河南司主事簡使犒
軍於獨石督鹽於長蘆受芻於京場選婚於內帑廉公
平簡後先一軌弘治改元上裕國安民疏甚剴切未幾

奉勅處置居庸紫荆諸關軍餉公復上疏極言足食足
兵之法在端本澄源而減冗除蠹理不可緩語侵貴近
識者韙之癸丑進四川司員外郎連有淮楊督漕九江
造舟河南視災之使俱建聲蹟甲寅進陝西司郎中時
甘肅佛靖公奉勅整督軍餉將行上疏言備邊七事上
嘉納之至則太宰許公以都御史撫其地與公同事許
公素器公於是益重焉事竣還朝因有白金文綺之錫
以才任劇調雲南司主司兼治順天奸悍者傍窺弗敢
犯尋以薦擢守嘉興改夔州在四川地僻民麗公爲書
諭之俾敦孝友尙禮義延問父老民所苦與所利卽罷

行之新廟學之制月朔視學進弟子問業有師道焉人
士咸慕其諸壇宇官署支頽完毀百廢俱興民飲江水
遠汲爲難公議鑿井出郡門數尺卽得美泉以公姓目
之屬太寧縣鹽井在萬山中距邑治三十里道阻於險
小舟入溪夏漲則往往溺米以鮮貴民多餓孺公鑿山
爲道得任負往來民甚便之夔吏多盜篆移屬以圖賄
公置籍付諸邑俾驗而行宿弊遂息在夔五年人士感
慕至爲公作生祠貌公而尸祝之擢兩浙鹽運使剔弊
講利績効之方懋前太宰馬公以浙事簡未足盡公改
兩淮公以浙治治之升鹽賦五十餘萬司治舊在揚城

東淺艱守公乃崇墉固藏益防卒奸無虞焉明年權參
浙政講畫經理將有施設而乃止是知公者重惜之以
正德癸卯十一月七日卒爲春秋五十有四

張西林墓誌

栗應麟

公諱鐸字邦敷西林別號也與兄鎮乃出陶朱之室同
升孔孟之堂文采光儀珠聯璧映人以元將仲將大宋
小宋擬之鎮嘉靖壬午公乙酉相繼舉於鄉丙戌公連
舉進士選入翰林庶吉士與平涼趙浚谷西蜀王象山
平湖屠漸山東平王岱麓俱弱冠齊名培植台衡陶鎔
中秘揮穎則風雲洒潤論心則蘭蕙吐馨經濟大成絃

歌小試丁亥出宰陝之三原歲屆祿辰事多旁午處分
容與剗決精明折強梗以秋嚴振弱英於春育賑甦待
斃澤遍饑民婚及愆期惠先窮士冠裳爲之增色統袴
莫不歛容政成考最陟司徒主事原人迎送出疆攀留
卧轍偃雙鳧於脫屣繫囚牡於征輶其遺愛可知矣庚
寅抵部郎校圖天府辨析魯魚監鹽江都滌清宿橐風
采著於臺垣聲光彌於淮海尋轉武選主事歷遷車駕
郎中銓藻清妍皇華杜濫賢不遺於推轂命維重於出
綸塵清九遠風動萬戶此文武之具而將相之階也庚
子乃出守於浙之湖州爲東南靡麗之地舟車輻輳水

陸要津盤錯富強號爲難治公冰寒玉立氣奪繁華電
掣飈馳威馴豪右欲克徒於漏網察冤鬼於覆盆吏畏
嚴於神明民懷甚於父母談經講學髦俊彙征咏歌著
言琳瑯駢集雖文翁化蜀長孺治淮不啻過矣癸卯以
內難歸田遂投散解綬頓迴鑣於中路收倒景於西林
完葺先廬永懷安宅迎兄嫂於逆旅合子姓以同居終
老育孤友于曲盡晚年卜居郡城與王鯉泉張鶴汀鮑
南田王南野宿谷泉屈潞野結閒居之社於山水之間
燕游咏言意頗真率有瀟灑出塵之風且慕無窮之趣
博覽軒岐星歷諸家得其要義嘗謂可窮者理不可爲

者命人未必奪造化也亦爲達生惜其所得止於所見而未及深入也公爲人性直氣豪剛介難合若不局於繩墨然質其平生偉行大節則無一不中矩度者與人雖山翁野叟茆簷瓦盆莫不盡其歡退而叩其臧否盡宇宙當其意爲知己者無數人耳是故由進士而中秘由司徒而司馬可以觀才以中秘而出令以駕部而出守司以觀氣夫人情直則不能爲物所容豪則不能下人亦爲人所下大畜不盡獨復無朋君子惜之所著有西林稿警心要言全唐律詩明詩律選湖州府志壺關志若干卷傳於世

拙庵集序

崑山葉盛

拙庵集者太學生壺關杜矩之所編也矩大父敦在高
皇時以耆年碩德布衣被召授四輔官兼太子賓客司
夏季上旬累膺詔諭賡歌之寵名臣宋祭酒訥實敦所
薦引故具錄聖製爲一卷尊居其前平生著述多散逸
其僅存者爲詩六卷爲文二卷敦事行當在國史今存
於家有狀可稽拙庵自命與凡出處交游有題咏贈遺
之作並爲附錄一卷殿其後焉矩恒持以自隨茲以公
事來南中屬爲之序惟昔聖人在天子之位莫不以和
陰陽順四時爲本先王之制今不復存然月令之書雖

在暴秦莫之或廢漢高有趙堯等四人各職一時舉所
施行政事恩澤封賞理獄論囚各有其時從而至於服
食之微亦必順四時亦必法天地所謂上自天子下及
庶民以之而治國家則身無害舊年壽永究所繫豈淺
鮮哉下迨唐人詠歌游衍之祭猶能以乘陽氣行時令
言之自時厥後斯道漸衰君臣上下疲精役神不出乎
瑣瑣事爲之末而治道之不足觀又何恠也我太祖高
皇帝以大有爲之資行大有爲之事有如敦等待遇遭
際振古莫踰觀夫上之所以諭敦之所以納忠薦士有
如此者則一時君臣之間腹心之密魚水之觀所以致

太平之盛能不於斯而想見乎聖子神孫詒謀燕翼垂百年而永監弗愆宜哉盛於是編幸名德之有後重有以感激乎高皇之盛休也於是蹠然有言而謹書之

勅山西太原府潞州壺關縣民郭麟楊慶路俊王代昇王英牛聚良王仕享閭節路慶

國家施仁養民爲首爾能出米一千一十餘石用助賑濟有司以聞朕用嘉之今特賜勅獎諭勞以羊酒旌爲義民仍免本戶雜泛差役五年尙允蹈忠厚表勵鄉俗用副朝廷褒嘉之意欽哉故勅正統六年正月初四日

壺關三老墓碑

劉龍

予觀史冊記古人事有名存姓亡者有姓存名逸者亦
有事存並失其姓名者歷世既遠簡冊磨滅傳寫脫誤
變故推遷勢則爾耳存其一固幸矣間有事闕名教人
品高越後世所仰慕乃不獲識其姓名憾可知也故好
古之士必欲訪其遺蹟參互考訂無所不用其極有以
補之而後快於心焉按孝武時壺關三老茂上書史失
其姓邑之故蹟雖見郡志然實未得其地三原張君友
直來宰是邑謂漢名賢不宜泯泯爲千古闕典蓋潛心
數載求之未釋也間嘗以公事遠出過一村曰崇賢意
村以賢得名必有賢者出乎其間因以訪諸父老則曰

村左純山之陽有古塚不詳所自至則荒榛寸草無可
徵者或言此地耕者得一片石隱隱有字藏之近村古
寺取視則唐人令狐璋墓志也某序世系則曰昔先祖
茂夾補周室光翼漢朝封爲壺關三老諡云徵君以茂
爲遠祖茂之姓當爲令狐矣顏師古駐三老茂云荀悅
漢紀稱令狐茂不知於何所得及考漢紀乃止云壺關
三老並失茂字不知師古復何以得此又後漢書郡國
志引上黨記亦云令狐徵君隱城東山中去郡六十里
卒葬其山卽武帝末年上書訟戾太子寃者也前史失
其姓亦無徵君之號據璋誌則號與上黨記合而師古

未爲無據漢記傳刻或近時逸之豈璋欲祖茂取記爲譜系而附會之耶令狐爲姓罕壺關小邑蓋不多得雖漢唐相去之遠苟名賢後無絕則璋爲茂出亦理所有况其誌得於茂所隱山假令妄以爲祖身後之石何以特出此地其墟墓相聯居昭穆相承傳宜非自外至者但江充之禍漢興已百餘年三老之爲官必耆宿乃得周制五十命爲大夫夾輔又卿相之職今跨秦而上雖在周季據上書已老之身迺股肱先任之日亦無慮二三百歲胡不倫如是也况璋所取在姓不在壽使三老未及事周當止以光翼爲言夾輔之談可無庸矣此則

不可曉者或謂周末賢者避世若圯上老人呼留侯孺子後不復見疑爲鬼物乃三老董公遮說僅一見於冊其年皆不可考錢鏗孔門所稱而壽闕夏商之世亦安敢謂其必無也哉又按高帝四年舉民五十以上有修行能率衆爲善者置以爲三老則三老亦不皆耆宿璋旣欲祖茂後其名壽誇示後世容亦有之所惜班氏號古良史不能爲三老考姓太史公足跡遍天下最漢儒博雅與茂同晉產且目擊巫蠱之事而本絕不載觀史者類以先入爲主曰遷固尙然餘復何望雖紀於上黨志於郡國著於漢紀畧無究心焉者坐是故也張君乃

千載後復得璋志雖遙遙華胄難以取必而茂姓益有
徵其高蹈之所首邱之地皆因以考見非其懷賢好古
物色之表章之何日完是曠古之闕典哉自今過者歛
衽起敬或低回不能去歲時伏臘將有以蘋藻祭者君
實爲之書於石喜三老之遇也若其訟太子寃爲漢家
國本綱常計則史備載前人有論予可畧云

壺關縣重修文廟學宮記

呂 枏

三原張君益之子年友也旣爲壺關痛士子之弗振也
乃於文廟學宮次第葺理咸登完美復創建名宦鄉賢
之祠立城中及村落社學三所而又督之以規課示之

以前歲士皆彬彬然向進異時邑鮮科第自君至後壬午舉三人乙酉舉一人且連舉丙戌進士選爲翰林吉士皆此邑百餘年所少有者也於是壺關人士感君無已且謂君治壺關於其民撫善懲姦慈諒嚴果並行不悖有古循吏風乃遂以學記來請嗟乎壺關潞之隸邑也而靜林紫園之秀麥積羊腸之奇正梯榭林十八盤之險皆諸邑所無則亦羣山之會而淑氣之萃乎其爲顯者三老茂著於漢左相苗晉卿盛於唐元帥任志父子節於元太子賓客杜敷暨夫榜眼郭翀並重於明初英哲繼聞遠過黎潞豈其盡得高深之助哉則亦上之

人有作之者耳今茲壺關蓋非異時矣其後之興者殆
必藹藹多士上下不可以媚天子庶人者乎夫物理無
盡貴在思身以爲知道路無窮貴在定心以爲行若乃
化出無常志存有恒則又諸士子所大進於古之人者
是吾張子所深欲也宣聖殿重修者五楹廡及重門亦
皆煥新豆籩簠簋改造琉璃爵竽爐鎔錫爲之饌堂號
舍罔不申飭工始嘉靖癸未之春落成甲申之秋董其
役者陰陽訓術閭恩協以相成者縣丞張經主簿徐環
典史吳淮教諭胡淵訓導張銓上官楷法皆當書

吳興太守張公壺產也壺之鄙多山修亘萃鬱戟峙障
列草堂一區鳳凰麗其陽樂祠鎮其陰佛耳表其西南
鸞山迤其西北沃壤衍拓可田而食豐樹翳合可蔭而
息平望有松亭檜結氤氲翠重者山之西林也公昔摧
茅治秦爰構精舍以處陳圖列史分藝考則揚純儒之
素言究聖哲之元德人傑地靈連舉嘉靖丙戌科進士
空冀之羣爲時偉器由翰林吉士累官出守湖州敦化
醇俗士欽其德民樂其惠公顧身被纓紱心慕泉石不
以出而忘處進而忘退乃介陸給諫粲屬作西林草堂
之記噫達哉公聲績茂著登陟未艾退處非其時也顧

乃興懷舊業不溺於仕其視今之從宦者以官爲家罔
計所歸亦遠不侔矣西林有八景別述贊於後其陰森
秀翹雜見丹碧雲烟之所出入光景之所照耀朝夕四
時之所更代惟公以虛襟高度領畧於元冲之表未可
紀也公他年功成讓能賜老其中治蔬灌園出所藏書
訓子若孫或置酒高會與西林之逸人投壺彈琴無所
不樂者是西林也於公之藏修可以方李供奉之匡廬
范文正之長白於公之引退可以方裴晉國之綠野司
馬溫公之獨樂園地以人勝將播傳海內雖與四公媲
美夫何過哉歌曰晉之墟兮壺之曲山合沓兮水涵蓄

敝荆扉兮葺蘿屋中有人兮發其藏揚蘭芬兮耀龍光
懷舊樓兮不能忘桂樹兮何團霜霰下兮夕以寒美人
歸來兮樂千萬年

壺關縣重修縣城記

張鐸

嘉靖庚子秋八月賊寇西鄙肆貪婪也擄掠無厭越辛
丑壬寅連歲大舉上黨震驚皇赫斯怒事下廷議核功
罪擇官守集兵糧增堡寨禦戎安民曲爲之所歲癸卯
寇騎窺伺不敢復逞廟謨淵塞民始有寧宇矣先期雲
坡李侯以甲第銓吾壺邑首值多事憂形於色謂城匪
堅胡守財匪勸胡營弗營弗守其能邑乎孰爲富而好

禮以相予城凡禮勸若干人董厥役爰及中產各展其物乃擴舊基甃以磚石城之上外雉內墉可騎可輿令出惟行逾年而城完言言崇墉惟壺賴之侯志斯懌其僚佐相與伐堅珉紀成事辱不鄙顧遺鐸而委重焉人亦有言曰邑介山阻壑井泉孔艱卽寇至出入汲爨胡所於利矧巨役重費於舊貫何予曰不然常變時也重輕勢也審勢以權事通變以濟時斯難於始而貽休於終古之人不務驩虞不求近功凡以此也惟思患預防事事有備今欲以防寇缺然無備若曰寇曷至胡容役民以叢怨容容吏吏僥倖於萬一母乃玩勢廢時而溺

人於難乎且財者民之心也恩者怨之府也以其財治其事任事任怨有司之責也吾聞之爲而不恃成而不居侯聲實懋昭且久遷去異時有警民或以干城頌遠大之政恩義在人侯弗計也詩曰赳赳武夫公侯干城言得民也又曰訏謨定命遠猶辰告言得政也諸向義者分役於公捐資廢時他日尙當有崇獎以勵後人法皆當書紀於石俾有考焉侯名用敬字仲學號雲坡辛丑進士青州之益都人

西林自製草堂記

張鐸

西林者何以地號也草堂者何結茅林麓示幽寂也人

或議之曰西林子以弱冠登甲科達而敏優於政矣不思貶損行權以階廕仕乃抗直忤時避恩歎怨年當強仕顧戀戀草堂獨行爲潔其爲志不已隘乎西林聞而解之曰夫志以嗜彰行由分定故麇芹怡暄者野農之高致也選聲兼味者富貴之餘事也語不云乎如不可求從吾所好異時西林備位郎署握符郡邑夙夜在公者分也今茲放歸左右圖籍棲息草堂者亦分也大雅曰媚于天子媚于庶人西林將移媚天子庶人者以媚厥心故嗜學以彰志履素以昭分堂之作如是而已堂兌向凡三楹扁曰研經語具在研經堂記中左爲齋曰

致用待士之窮經者右曰養正以爲子弟正句讀前爲
坊題其上曰西林草堂統言之也堂之側翼以小屋各
一坊之側翼以小屋各二由坊而西向爲吾如樓者一
取夫子吾不如老農老圃之義西林耕灌以自給不可
一日廢農圃其寄望茲樓以受成也在夫子則可不在
西林則可如如於此所以弗如於彼也樓之下曰外門
傭司草堂之出入凡百步許以達於家嚮晦晏息惟其
時呻吟佔俾惟其適卽物起興存乎感倬彼草堂可以
約身心可以豁性天環顧林巒圖書出焉對越墳典師
友寓焉塵鞅不繫鉛槧日親起予何盡匪耽歸休匪希

明農知其才之有不堪而力之有難勝因返吾初服以
遂其志而安乎分易曰利幽入之貞詩曰獨寐寤言永
矢弗諼其庶幾乎

壺關縣重修文廟記

張鐸

吾邑先師孔子廟創自元季宣德間緣舊修飭迄今又
百二十禩矣中雖數更圯墁僅支傾圯嘉靖戊申夏六
月段侯莅止觀廟宇之就頽也喟然興懷亟圖作新時
以用匱民疲日事推會歲己酉春三月適監察按部至
面咨計宜遂伐官木若干檄府若縣移帑銀若干於時
遴董任促徒傭築基惟崇掄材孔良凡宿弊舊構無所

於用不六閏月別故易新煥然改觀戟門兩廡以次就
序猗與閼宮蓋數十百年規也事旣竣學諭王君宸學
訓韓君昇薛君東儒暨庠生楊瀾張時敏栗善繼輩相
與徵記於予予作而嘆曰務因循者憚締構樂簡易者
厭經久一切目前之政要非所以爲訓也故致力於神
者畧則敷政於民者苟焉而已矧崇功報本化理用基
時祀月謁制典攸重而顧以欹敝此瑣從事漫不加省
是褻廟貌爲虛位忘紳冕所自出也侯斯役也知先務
矣由是而肅穆對越以致如在之誠崇祀以宣教新廟
以作人俾絃誦日奮髦俊彙征壺之人文當有不昭於

異時者矣予昔爲諸生時登降於斯以俯以獻目擊蕪
陋恒慄慄然冀有請也乃今嘉樂成功焉莫爲大述後
將奚徵因漫識歲月如左侯名錦字美中別號二泉丁
未進士東郡之恩縣人也

壺關縣重修廟學記

明宿椿

壺關迺古黎侯之地春秋時屬晉至秦始置縣隸上黨
地形高聳羣峯環合分野參井之宿其民儉其俗淳來
牧者率多英俊之士政行化洽靡不自興學校始壺之
有學自趙宋時始建而廟之設乃漢之先創於各郡焉
先時天下有學無廟自是廟與學而並建之所以崇聖

祀育人才觀法有其地矣迨我明稽古建學教養士庶
洪武初呂侯士安視前傾圯始增修焉繼是者如馬侯
興輩雖世代不同而崇祀重本之意未始不同迨嘉靖
丁未段侯以進士擢宰是邑釋奠孔廟環視木腐瓦摧
乃裕財鳩工絢彩輪奐一時收觀其廡與諸學舍謀畫
已周方圖修葺值部檄徵風憲之選自是再繼者急於
簿書未暇綜理比己未歲覃懷何侯登第首銓茲土莅
政之初遂以興學育材爲急務仰視殿成孔安獨於他
所未及不無缺畧之嘆於是重修明倫堂五楹及大門
儀門二座棟宇翬飛煥然爲新復闢儀門外地創立啟

聖祠極其華麗乃以鄉賢名宦二祠舊寄附鳳書院春秋供祀未便於是改建學宮設主於中望之莫不起敬齋號廨舍基址已定至於聖製敬一亭創建雖久猶欲廓大其規模何侯丁外艱戒行其所未備者獨不有待於後乎於是邑丞李侯時用倅武侯相相與贊襄乃偕教諭劉君承芳訓導國君壽馬君體雲庠生牛繼先張鳳梧任應翔楊承勛樂于從事走書徵文楮不工不敢沒善竊謂紀事貴求其實興學宜推其本不求其實者謂之誕不推其本者謂之悖誕固不可垂後悖則得罪名教將以誣天下之人而趨於末二者世之大患也方

今皇上敦敘彝倫崇奉祀典天下共仰文明之化何侯
乃能崇廟建學激勸人材有以祇承真可謂賢有司矣
爲有司知重學校爲生徒宜知作養互相砥礪以求無
負崇建之意始見懿獻致道翀敏諸賢迥然傑出相與
贊化端不有賴於斯耶段侯錦恩縣人何侯永慶懷慶
人俱進士是爲記

遊紫團山記

明 栗應宏

嘉靖戊子秋七月于東遊紫團山自五龍信宿而至道
路窈窕穿林木而上者幾十里及慈雲寺有僧數人邀
予觀元人三十六景詩碣在墻根此此然散且缺矣由

慈雲石磴硃屈攀巖而下者復幾里則表然福地爲雲
蓋寺山勢四壁巉兀盤繞諸峯挺峙競秀而變形望之
鬱然葱葱西連王屋東俯林慮諸山南北相拱帶跨青
蓮白泉之勝斯爲太行樞要也及抵寺憩數日山僧導
予遊循石徑南渡溪由東峯入屏山遮地卽爲參園已
墾爲田畝久矣歷西筆峯緣石而出時藥物纂纂然幽
香沓至復西轉觀瀑布涇淙成流卽采藥坐石濯足飲
泉而歸復數日山僧言西峯石局予忻然從之盤條竟
步陟兩峯間其地磐夷可屋予意宜置石室記刻于此
忽飄風颯至西望大谷煙瞑蒼翠泉聲泠泠幽禽間作

予愕然久之知卽所謂瀑布者遊峯時立此得徑觀焉
廼左右顧盼百景俱美神爽而氣逸飄飄然有丹臺石
室之想峯巔峭峻間有奕局覆松焉北轉觀磨崖碑旁
數石孔僧云舊有招涼亭于此復有故咸平間餘趾至
則臺砌頽沒基礎相枕藉斷柱石已俱撲于水中惟蓬
籬繞匝牛羊棲之而已如昔人詩所云者多不可得予
然後慨然嘆曰悲夫鑿山石壘土刻木彼固以爲無窮
之觀而山川獨乃如此草木種種得在醫籙若所謂經
營一時傑然酣適于此中者今則惡覩其爲誰也悲夫
沒世之懼吾安得不重有感于斯遊也乎

壺關縣修鑿龍雨池記

明 武有備

龍雨池傳言在縣北寺左蓋爲濟民用而助文風所係甚鉅豈宜湮塞顧開鑿有時修起在上壺之昔也風景未壞士多顯達民頗富饒後漸極衰疲人心危懼焦思幸值大府劉公祖甫下車卽急圖興學育才導利養民洪恩滲漉自郡及邑而邑侯梁父母將究宣德意莫或滯壅者也故事務之暇因闔學呈舉修復舊景乃云天地間至足者水此獨不足鑿池其急務乎始難其地則庠生陳尙實尙資以義輸旣慮費無所出不得已而申請蒙批勿以爲民者勞民令計所費府發銀五十餘金

侯乃躬爲經理託勞乎尉委金鄉約侍而畚揭募而強壯開鑿數日見舊跡顯然可循剏厥底止則大石居中水門卽山麓其石級疊浪之奇宛若天造週計五畝餘深計三丈許加以伐石甃堤鐵柵杜穢府金之外侯復自捐閔四旬而後功告成焉夫縣之境羣峯環翠北方則龍溪山也山形偏西故左建龍鬚橋橋東卽龍雨池也山以龍稱龍以水神古人命名意固有在第湮塞不知幾何年而一旦疏通豈非地脈奏合天運開霽人謀協吉歟自縣西北之水不至激瀑無情渟滯而風景運澄清而取用饒波迴而錦繡披空涵日月吞吐雲霧

幾他時必多龍翥蛟騰霖雨天下者乎一舉而士民還
盛則固不朽之偉功無窮之德澤也不可無記庠生鄉
約衆徵言于備姓名不具具碑陰備愧不文謹撮其實
更相延頸而望曰公祖地理擅天下安得山川有靈徼
神鑒剖秘藏使古跡盡復破壞完修則壺受福寧有涯
耶若其防壅除淤振育永久則又深冀于後之莅斯土
者

書郡乘山川志後

明周一梧

志所載山川畧備亦萬分一耳然猶未著其奇卽五龍
鹿谷望也奇莫若紫圍其西二十里有鳳臺山二仙神

舉處也西來諸山至此忽變莊嚴峭拔之形翱翔飛舞之態列爲屏障水聲樹色鳥語蟲聲業已脫凡界而近仙都矣從此穿溪問徑陟險登危傍崖則藤蘿垂幙席地則蘭蕙鋪茵至於山之巔則萬壑疎風群峯冒日其環衛趨拱之狀如三軍屯塞萬馬游空重重嶂外一望海天杳然無際旁有翠微洞卽紫團真人面壁之所洞口僅容一人偃偻而入轉身而下側足而行倏高倏低倏寬倏隘不但十二重關且見三千大界其間山水與人間無異而其水源如縷如綫如盞如碗石髓瓊漿沁心浴魄其氣上騰爲鍾乳融結如栴榔葡萄穗其垂垂

至地者如玉柱大者合抱秀者如人形坐者如瞿曇立者如阿修羅蹲如虎豹飛如游龍閃爍變幻不可得而名狀已亦多旁穴岐徑旋轉卽迷必藉鄉導深闇必藉燭甚至燭不能然故從來未有窮其際者僧曰直透太行外數百里亦未足憑紫圍之麓如縷分界列爲丹崖古木懸空異根挿石殆不可以尋丈計其下瀑布懸流如噴玉如垂虹其溪如帶如環如箭過平沙則漫衍遇絕壑則飛奔衝激成潭漚爲龍府其湯湯而往者重山難障終古如斯也崖之廻合處爲度世之蘭若陡絕處爲避世之桃源寸雲觸石卽靈雨滂沱深谷之中有樓

雷絕頂之上有烈日至若羣芳織繡則心醉蓬壺六出堆瓊則神清元圃朝暮四時令人應接不暇有如此但其地落一偏人跡罕至無錦心綵筆闡揚盛美則山之奇有幽禽潛蛰知之耳嗚乎白雲深鎖谷日常封無亦山靈耽寂不欲競奇勝於人世也歟

牧羊說

牛

恒武功人

壺地多山饒芻牧利山翁有號萬羊者俗曰其牧羊傭曰僕槐堂子過野逢其老者問曰僕乎牧亦有道乎胡爲蕃於隣邑與對曰野人不識他事自吾祖以來老於牧矣業尙專攻藝緣世精故主翁弗吾棄也每見隣邑

牧羊者任悍僕恣箠擊良者罔弗戕也任懦僕耽嬉戲
狠者弗克制也兼瘠於饑渴殞於癘瘡困於寒暑折股
裂蹄於狂奔盡氣故其羊日亡二三月亡十五比歲而
亡者過半矣吾牧異是揀水草卽養也聆音聲察病也
葺圈牢防逸也剔毳毛順時也入康莊散行徐入阡陌
序行疾嚙田者撻其背舐藩者截其角觸邪者表其直
跪母者錄其孝歉苗者豐其料久之吾諳羊心羊諳吾
意振鞭而動應聲而止朝引出暮引歸一豎前驅吾尾
其後摩肩垂首旅進無譁斯時吾亦樂甚倚杖歌曰殺
斃在山兮綿羯在田吾復任性兮物得其天牝牡如雲

兮月計以百而歲計以千富歸主翁兮吾獨得其賃直
錢沽酒狂歌兮用以忘吾年槐堂子聞而善之曰以僕
之牧道可通於六畜乎曰可昔者秦非子牧馬百里奚
牧羊陶朱以孳息致富率精是道也然六畜猶家產也
今夫鶴以凌雲之翮鹿以躡山之足牧得其道獨弗見
與鷄鶩爭食牛驥伏櫪乎然鹿若鶴猶恒產也今夫龍
凭風雲下水土世有豢龍氏是龍亦可牧也然龍亦物
耳今夫民愚而神寬牧易慢猛牧易殘通吾牧道良者
弗誅求狠者弗優假則流亡附戶口蕃雖有健訟漁貧
武斷里閭者日將革面斂足其疇敢奸其閭由是當道

薦焉天子嘉焉庶可以稱爲善牧之官槐堂予喜而識之曰吾聞牧羊也因得牧民之說以歸

治壺論

光州方應明

余初授壺關未視事聞壺關之民健能制有司法而去其官諸當道未有不疾首以難予者予弗然夫有司爵於朝分治於邑監之以司道糾之以兩臺有定分也以豪民而制有司法去其官是非制有司也制制有司者也然諸可制而有司之法必不可制予有法在予何好易而惡難爲及

莅任受乃事察風會之所趨

而去其甚酌其宜予之所好者又健民也蓋宇中有四

民羸民敝械民詭健民爭平民馴豈民有異性而茲生
多族哉蓋風會之流各從其土剛柔偏至莫能一視上
矯民以變民而不知因民以變民則民易健而狡險在
內夷在外雖十堯不能爲治何者天惟健故能運人惟
健故能立羸民急其生而俗殘械民琢其姓而俗彫平
民隨其波而俗靡健民振其氣而俗悍悍者盛之機也
節孝之變也鼓之以利則貪鼓之以義則廉糾之以猛
則力爭而不平降之以禮則心競而思戰故何子曰善
治者使民畏法勿使民畏吏民畏吏而不畏法民始有
以用其健民畏法而不畏吏則民雖惡死不怨木石民

雖貪生不仇固固何也民死於法而不死於上則健亦
無所用之故吾之所好者健民也蓋健民固雷厲而風
行者也然則吾惟慎守其法足矣而何以仇吾民何愛
吾官第自今以往有犯吾二十四禁者卽以所犯等其
罪



